

# Áššeovddideapmi

Vuodđodokumeanta.  
 Jorgaluvvon dokumeanta

Vuorkááššnr. 2020/44-2	Vuorká: 404	Áššemeannudeaddji: Karin Hætta	Dáhton: 03.03.2020
---------------------------	----------------	-----------------------------------	-----------------------

Lávd.áššnr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	

## SUOHKANDIREKTEVRA - OĐĐA NAMAHUS

### Mearrádusdiehtu sáddejuvvo dán čujuhussi:

Báلكá ja personála

### Čujuhuvvo čuovvovažžii:

- Ođđa suohkanláhka beaiváduvvon 22.06.2018 nr 83

### Ášši duogáš:

Ráđđeolmmái lea suohkana bajimus hálddatlaš jodiheaddji. Suohkanlágas 1992 rájes lea ráđđeolbmá namahus hálddahushoavda, dán namahusa eai leat suohkanat váldán atnui ja geavatlaččat lea namahus ráđđeolmmái ain anus.

Ođđa suohkanlágas 22.06.2018 rájes oažžu suohkana bajimus hálddatlaš jodiheaddji namahusa suohkandirektevra, vrd kl § 13-1.

Ođđa suohkanláhka doaibmagoahtá maŋŋel go ođđa suohkanstivra lea vuodđuduvvon jagi 2019, muhto leat suohkanat ieža geat mearridit galgá go ođđa namahus váldot atnui.

Suohkandirektevra lea eambo sohkabealneutrála namahus go ráđđeolmmái.

Sátnejodiheaddji háliida ahte min suohkan galgá molsut eret namahusa ráđđeolmmái ođđa namahusain suohkandirektevra 01.04.2020 rájes.

### Árvvoštallan:

Ođđa suohkanlága bargguin lei mihttomearri ásahit čielgaseabbo erohusa gaskal hálddahusa ja álbmotválljejuvvomiid.

Lea dárkkuhuvvon ahte suohkandirektevrras lea čielggadangeatnegasvuohta ja álggahangeatnegasvuohta. Čielggadeapmi galgá addit duohta ja lágalaš vuođu dahkat mearrádusaid ja mearrádusaid álggaheapmi galgá dáhpáhuvat vuođoheames ájahallama haga.

Okta eará ođđa dárkkuheapmi lea ahte álbmotválljejuvvon orgánat galget addit suohkandirektivrii láidestusaid ja bagadusaid, doaimmahit bargguid, mearrádusaid hámis.

Viidasit lea suohkandirektivrras lánhanannejuvvon ja čielgaseabbo bargoaddirolla ja galgá vuhtiiváldit jotkkolaš personálaovddasvástádusa ovttaskas bargi ovddas, ja maidai virgáibidjamiid, eretcealkimiid, suspenšuvnnaid, lihccumiid ja eará bálvaluslaš reákšuvnnaid. Suohkanstivra ii sáhte välljet addit suohkandirektivrii unnit personálaovddasvástádusa go dat mii čuovvu lágas.

Bargoaddi- ja personálapolitihka galgá suohkanstivra mearridit ja lea ain suohkanstivrra ovddasvástádus.

Suohkandirektivrras lea čoahkkimiiboahhtin- ja cealkinvuoigatvuohta buot suohkanlaš álbmotválljejuvvon orgánain, earret dárkkistanlávdegottis.

Duogáš sávaldahkii rievdadit namahusa ráđđeolbmás suohkandirektivrii lea ahte ođđa suohkanláhka atná dán namahusa, ja ahte namahus ovddida dásseárvvu ja lea oassin dásseárvvu deattuheamis min suohkanis.

Suohkandirektivra lea buoret namahus go ráđđeolmmái, sihke dievdo- ja nissonolbmuide geat leat hálddahusa bajimus jođiheaddjin.

### **Mearrádusevttohus:**

Suohkanstivra mearrida ahte Guovdageainnu suohkana bajimus hálddatlaš jođiheaddji galgá guoddit namahusa suohkandirektivra 01.04.2020 rájes.